

義門陳氏族譜卷二

唐僖宗旌表義門陳氏詔

皇帝詔曰朕自臨御以來嘉惠元元務期俗漸雍熙治臻淳古
爾江州陳氏行敦孝弟法備勸懲數世同居怨尤不宿一堂聚
食親遜可風有司以聞朕甚嘉之是用覃恩特加旌獎尙其益
篤茲愛風感鄉邦毋負朕意

乾符元年甲午七月 日

南唐勅建義門詔

皇帝詔曰渾噩治雍熙之化孝弟絕悖逆之端惟奕葉懋繼承之光斯箕裘增紹述之緒爾江州陳氏庭除嚴肅內外雍和世緒厯九傳居食猶共戶口添七百慈愛不疎異類尙徵善義朝廷豈靳寵褒茲用覃恩旌爾建立義門免其徭役俾孝弟食天家之報而編氓識至性之良

昇元元年戊戌七月 日

宋太宗貸義門陳兢粟詔

皇帝詔曰發粟賑饑乃救荒之政獎德勸善尤異數之加江州

義門陳氏累世淳良全家孝義在先世嘗邀寵錫至朕躬豈靳
褻嘉自今後其本州每歲給粟二千石以資乏食爾陳氏須仰
體朕意益勵修爲爲鄉鄰式朝廷曠典不爾靳也欽哉

淳化元年庚寅四月

日

丁南湖曰兢乃宜都王叔明之後宜都一裔預以孝義相傳歷
隋唐五季以至趙宋而子孫富盛如此宜矣史論曰陳兢七百
口同居公也公則無私意治家之良法綱目書義門所以美陳
兢書貸粟所以美太宗也

朱子云自古稱刑子之化首推文王然其序易家人之後必繼

以睽者豈非以一家之內賢愚雜處勢難畫一哉江州同居十餘世共食者以數千計尊卑內外何如其和也昔人評千古奇遇謂唐虞有君臣成周有父子陳蔡有師弟吾亦曰江州有兄弟矣旌門貸粟宜哉

贈義門陳氏始祖五世公爵勅

盛德開保世之祥衍慶恆出於祖澤聖朝隆報功之典追美必及乎先人惟汝江州義門陳氏代傳孝弟世紹簪纓累世同居歷年已幾乎五百終朝共爨聚族實逾乎三千祖德之培養旣深公侯之賞錫難靳茲特贈汝始祖祖唐德安令陳旺晉國公二

世唐中書舍人陳機燕國公三世唐迪功郎陳感許國公四世
唐處士陳蘭吳國公五世唐萬年尉陳青齊國公嗚呼褒崇雖
譽於先朝顯揚宜彰乎昭代錫之祠祀祭以孟冬庶幾率土之
民咸化同堂之義

天聖元年四月 日

宋天聖五年丁卯正月

日覃恩勅賜義門陳氏顯祖

諱

青由青而上諱蘭諱感諱機諱旺五世公爵勅立祠堂五龕

命祀以 先師酌獻

皇帝勅曰義門陳氏家法稱善父師之訓是嚴公侯之爵無斲

錫以大禮拜以先師庶幾大表淳風光揚孝弟以獎一家之善
以化天下之民

勅贈陳青齊國公

勅贈陳蘭吳國公

勅贈陳感許國公

勅贈陳機燕國公

勅贈陳旺晉國公

宋眞宗授旭公將仕郎守江州助教勅

睦族敦倫一室聚雍和之景揚休播美大廷隆寵渥之恩惟汝
江州義門陳氏蒙太邱之餘澤襲著作之遺休孝義宏敷物類
尙昭其感格仁恩深浹里黨悉化其競爭及汝陳旭作起後昆
丕承先緒早彰素履聞望久著於儒林克懋清規風聲益昭於
閭巷宜膺沛澤用保耆年可授將仕郎守江州助教特頒綸綍
之榮式光庠序之烈

大中祥符四年六月

日

宋仁保授蘊公守江州助教勅

古聖垂經端本必先於孝弟明王致治立教不外乎人倫惟汝義門陳蘊確守先規凜承祖訓敦儒術以修身篤義風而睦族三千餘口之共食勗茲來者深懼偶習乎澆漓一十六代之同居勉汝後人惟益相維於孝義真典型足尙實年德可嘉俾參席於郡庠用昭榮於里閭可授將仕郎守江州助教益勵勤勞無忘寵渥凡有狀事具名以聞特勅

天聖四年十月

日